

足利將軍傳


二

世四

雜書部
第一函
第三
共四大

| | | | | |
|-------|--|--|--|--|
| 和書門 | | | | |
| 類 | | | | |
| 四三五三號 | | | | |
| 一三八函 | | | | |
| 一〇架 | | | | |
| 四八冊 | | | | |


| | |
|------|---------|
| 內閣文庫 | |
| 番號 | 和 43453 |
| 冊數 | 48 (34) |
| 函號 | 261 5 |



十竹佐佐先生傳

十竹佐佐先生傳

先生諱宗淳字子朴佐佐氏京師人年十六投妙心寺
為僧名相淳又親炙明僧隱元頗得其道之蘊奧一日
讀論語于路問鬼神之章於死生之理渙然冰釋於是
反覆朱子釋氏論及答廖子晦書愈知佛氏輪迴之說
為妄誕慨然著立志論毀衣鉢蓄髮杖劍遊江都自稱
關西男子當是時西山源義公開史館大招四方文學
之士聞其風而壯之辟為近侍天和元年先生及吉弘
元常奉命往南都搜索遺書多閱神祠佛宇所藏舊記



十竹先生傳

傳

抄其可徵者纂爲一冊子名曰南行雜錄文雖零碎載
記核實參考紀傳多所改正貞享二年春先生與九山
可澄奉使於山陰山陽西海北陸四道搜遺書公豫請
幕府告知王侯牧伯故所過城邑授館穀差人爲導
凡名山巨鎮古祠舊刹所藏遺文逸事莫不曲搜旁索
經歷五十五國海陸一千四十餘里及冬歸江戶元祿
元年七月總裁彰考館編修事二年夏先生與同僚吉
弘元常及編修諸士講究商較作爲修史義例四年十
月公老肅公繼封擢先生爲小姓頭使侍西山眷遇益

隆五年先生再使南都著續南行雜錄六月先生在河
內觀楠公神牌及行狀等知其有贈三位左中將事致
書報之西山義公見其書大喜先生奉命建楠公碑於
湊川先生性夷曠而耿直不拘細行表裏洞徹有不可
輒敢言強記博洽精於譜牒能決疑義淹貫古今議論
風生好薦達後進其所汲引多知名之士善飲酒家貧
晏如也晚年號十竹先生自著傳年五十九以十二年
四月三日歿于家云

論曰豪傑之士雖無文王猶興先生汨沒於緇徒一旦

世同亭書目
悟其道之妄誕。慨然立志於聖學。為世名儒。所謂出幽谷而遷喬木者。可不謂豪傑之士哉。而虛心冲懷。薦引後進。澹泊潛鋒。觀瀾諸賢。茅茹彙進。以成修史之大業。先生之功。蓋非淺鮮也。澹泊稱為古之人者。信哉。

安中城主板倉勝明子赫撰

足利將軍傳

引用書目

尊卑分脉

足利家傳

喜連川判鑑

鹿苑院殿薨葬記

天地根元歷代圖

和漢合運

鎌倉大草子

世同亭書目

足利將軍傳

一

勢州軍記

舟木系圖

禪秀記

湘山星移集

足利系圖

武家補任

康富記

花營三代記

赤松系圖

皇年代畧記

飛鳥井雅世富士紀行

釋堯孝富士紀行

劫濁發心略

一名一見漸愧抄
一名應仁略

東寺過去帳

文正年代記

永祿年代記

結城戰場記

東亂記

時雨亭叢書

足利將軍傳

二

永享記

武田系圖

沙門喬英所記大日本傳皇代記

得平記

應仁外記

赤松記

嘉吉記

本藩安積三郎衛門所藏

年代記殘編

略年代記

龍派弔義勝公詞

佐佐木系圖

皇記

富樫記

臥雲日件錄

足利官位記

古河系圖

京都將軍家譜

長錄記

長錄寬正記

義就與伊勢備中守赤松民部少輔書

續神皇正統記

上月記

赤松再興記

季瓊日錄

應仁記

將軍執權次第

應仁別記

土岐系圖

京華集

親長記

長享年後畿内兵亂記

加越鬪爭記

義尚公終焉記

文錄清談

樵談治要

文明五代記

掛雨亭叢書

足利將軍傳

四

關東兵亂記

北條五代記

異本年代記拔萃

應仁後記

安西軍策

義尹與卜山書

南都興福寺英俊日記

二川分流記

年代記殘編

南都春日社若宮神主祐維日記

甲陽軍鑑

關東兵亂記

信長記

老人雜話

毛利軍記

遊佐長教與三木牛介書

萬松院殿閣雜記

穴太記

足利將軍傳

藤原前久悼源義晴辭

元就記

織田軍記

毛利家記

三好亭回駕記

尼子系圖

光源院殿諸役付

里見系圖

房州延命寺所藏

里見系圖

房州密藏院所藏

年代記

高野蓮華三昧院所藏

朝倉記

義昭興廢記

信長家譜

三好系圖

秀吉家譜

以上九十四部

世宗實錄

足利將軍傳

六

| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|
| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|

足利將軍傳

平安 佐佐宗淳子朴著

足利義持

足利義量

足利義持征夷大將軍尊氏曾孫太政大臣義滿子尊卑

應永元年十二月首服分義滿加之參議重光姓理髮關

叙正五位下任左近衛中將為征夷大將軍二年六月

叙從四位下三年正月兼美作權守四月叙正四位下

九月任參議四年正月進從三位三月任權中納言五

年正月叙正三位足利家傳十一月錄舍管領從三位左兵

足利將軍傳

衛督源氏滿薨。子滿兼嗣。喜連川判鑑是歲改執事為管領。

尊卑分脉六年十月大內義弘反據堺浦。前將軍義滿遣使

諭之。不從。義滿自將諸軍。陣八幡。遣管領畠山基國斯

波義將細川賴元等擊之。錄倉管領滿兼土岐詮直等

通謀應義弘。率兵出武藏。十二月諸軍攻義弘。斬之。其

子持世降。喜連川判鑑七年正月叙從二位。二月以足

利莊與滿兼。滿兼釋兵歸錄倉。喜連川判鑑八年三月任大

納言。九年正月叙正二位。十一月叙從一位。足利家傳十二

年。罷畠山基國。以斯波義重為管領。十三年正月。前管

領畠山基國卒。尊卑分脉八月兼右近衛大將。十四年正月

為馬寮御監。足利家傳十五年五月從一位前太政大臣源

義滿薨于北山第。勅贈太上天皇。義持辭不受。足利家傳

分脉鹿苑院殿覺菴記明主遣使祭義滿。天地根元十六年七月

錄倉管領從四位左頭兼左兵衛佐足利滿兼卒。子

持氏嗣。喜連川判鑑義持任內大臣。足利家傳是歲罷斯波義重

以其子義淳為管領。十七年罷斯波義淳。以畠山滿家

為管領。尊卑分脉十八年七月擊飛驒國司藤原尹。纒平之

和漢合運十九年五月辭右近衛大將。為院執事。八月賜兵

伏十月為淳和院學院別當源氏長者足利家傳是歲罷

畠山滿家以細川滿元為管領尊卑分脈二十二年伊勢國

司源滿雅反義持弟義嗣應之義持遣伊賀伊勢兵擊

滿雅鎌倉大草子勢州軍記舟木系圖二十三年十月鎌倉前執事上

杉禪秀反攻管領持氏持氏防戰不利奔駿河執事上

杉憲基奔越後禪秀奉持氏弟持仲立之持氏叔父滿

隆嘗子養持仲故又應之喜連川判鑑禪秀記湘山星移集義嗣又應

之謀襲室町第義持遣兵捕義嗣幽之于林光院義嗣

薙髮號道繩鎌倉大草子十二月遣山名時熙救持氏使今

川範政帥師納持氏于鎌倉二十四年正月諸軍與禪

秀戰于伊豆相摸之間大破之滿隆持仲禪秀等自殺

持氏歸于鎌倉擊餘黨而平之禪秀記喜連川判鑑湘山星移集鎌倉大草子

二十五年正月殺義嗣足利系圖鎌倉大草子五月從二位前大

納言源滿詮薨足利系圖足利家傳尊卑分脈是歲以澁川義俊為鎮

西探題武家補仕二十六年九月義持辭內大臣足利家傳二十

七年九月義持疾或謂醫高天為咒詛義持遣人捕繫

獄又幽陰陽助定棟十月流高天於讚岐康富記二十八

年七月管領細川滿元請罷職聽之八月再以畠山滿

家為管領。花營三代記。尊卑分脈。三十年三月。辭征夷大將軍。子

義量為征夷大將軍。四月。義持薙髮。足利家傳。三十一年二

月初。義持赦上杉禪秀子憲秋。憲朝居將府。持氏憾之。

寢為隙。至是。義持追二人。而通和持氏。遣江戶遠江守

謝之。喜連川判鑑。花營三代記。三十二年二月。征夷大將軍義量卒。

足利家傳。三十四年。赤松滿祐其祖則祐以來。領播磨美作

備前三國。至是。義持寵貞範孫越後守持貞。遂以三國

與之。故滿祐怨訴不已。自燒其宅。走還播磨。義持將遣

兵擊之。諸國兵皆集京師。既而諸將惡持貞恃寵驕奢。

固請赦滿祐。殺持貞。義持不得已。從諸將所請。十一月。

令持貞自盡。赦滿祐至京師。赤松系圖。正長元年正月。薨。年

四十三。稱勝定院。皇年代畧記。足利家傳。贈太政大臣。足利家傳。子義

量先卒。弟義教立。尊卑分脈。足利系圖。

足利義量義持子。應永二十四年十二月首服。義持加

之。叙正五位下。任右近衛中將。聽禁色昇殿。始讀書。二

十年三月。為征夷大將軍。三十一年正月。累進正四位

下。足利家傳。十月任參議。三十二年二月卒。年十九。足利系圖。號

長德院。長祿元年二月。贈左大臣。從一位。足利家傳。

足利將軍傳

贊曰。足利義持受天下平定之後。四海無事。萬民艾安。府僚守職。無所增損。可謂守成之美也。義滿會愛義嗣。殆有廢嫡之意。然義持無一毫望之色。義嗣謀反。措不問。至再反。則不得已而殺之。孝友之至也。及義滿薨。固辭太上天皇之號。非知臣子之分者。豈能如此耶。定上杉禪秀之亂。納持氏於鎌倉。得愛親馭下之道。然晚年不能制赤松滿祐強暴。及義量卒。約以持氏為嗣。義持薨。而管領變約立義教。遂致關東之亂。非復不能制強臣之故耶。子孫遂遭弑逆。履霜之漸。非一朝一夕之故。未可知。豈不惜乎。

足利義教

足利義勝

足利義教。義滿第三子。初為僧名義圓。為青蓮院門主。准后天台座主。任大僧正。尊卑分脉正長元年正月。義持薨。初義量卒。義持約以持氏為子。至是管領畠山滿家等。忌持氏難制。更撰所立而不次。至石清水。探策祠前。奉義圓為嗣。三月。返初服。改名義宣。叙從五位下。任左馬頭。四月。叙從四位下。喜連川判鑑罷畠山滿家。再以斯

波義淳為管領。尊卑分脈永享元年三月首服。尾張守畠山持國加之。阿波守義慶。姓關理髮聽禁色。任參議兼左近衛中將。拜征夷大將軍。改名義教。任權大納言。叙從三位。八月兼右近衛大將。十二月叙從二位。二年正月為馬寮御監。十月叙從一位。三年十二月移居室町第。四年七月任內大臣。八月任左大臣兼左近衛大將仍舊。足利家傳九月至駿河觀富士山。權中納言藤原雅世權大僧都堯孝等從之。駿河守護今川範政迎之。藤枝驛蓋為窺東國也。飛鳥井雅世富士紀行釋堯十二月為院

別當。為淳和弊學兩院別當源氏長者。聽牛車。足利家傳是歲罷斯波義淳。以細川持之為管領。尊卑分脈五年八月辭右近衛大將。足利家傳先是命大內持世擊少貳。名持世斬之。送首京師。梟之六條河原。東寺過去帳六年以瀧川教直為鎮西探題。武家補任十二月出兵志賀。攻延曆寺。文正年代記七年二月捕延曆寺僧乘蓮以下數人。斬之六條河原。餘黨縱火中堂自死。文正年代記九年十月賜兵仗。足利家傳十年五月去年遣細川持常擊大和賊。賊據多武峰。至是國民越智箸尾攻拔之。遂燒多武峰。文正年代記

八月。先是鎌倉管領持氏與義教有隙。縣官公田將府奉邑在關東者悉奪之。執事上杉憲實諫之不聽。將舉兵殺憲實。憲實訴之。義教奏請下詔賜錦旗。命東國諸將討之。詔曰。從三位源持氏累年忽諸朝憲。近日擅興兵。匪啻失治於關東。此知致叛於上國。天誅不可遁。帝命何又容。速命虎豹武臣。拂豺狼賊徒。結城戰場記。東亂記。義教令上杉持房擁錦旗。將兵東征。喜連川判鑑。結城戰場記。九月。辭左大臣。足利家傳。諸將與持氏戰于早川尻。大破之。持氏退陣。海老名。十一月。諸軍入鎌倉。持氏子義久及稻村滿貞。

走報國寺自殺。持氏聞之還鎌倉。居稱名寺。諸將移之永安寺。十一年二月。義教命殺持氏。二子春王安王逃于二荒山。季子永壽王逃于信濃。喜連川判鑑。關東悉屬憲實。召弟清方於越後為管領。自是關東受制京師。喜連川判鑑。戰場記。十二年三月。結城氏朝迎春王安王。舉兵據其城。別使野田右馬助矢部大炊助等。據古河城為聲援。關東管領上杉清方遣武藏國司固廳鼻性順長尾景仲擊之。新田田中佐野桃井等起兵上野。據高橋城。四月。守護代大石憲重攻拔之。清方持朝發鎌倉。東北諸

甘雨平叢書

足利將軍傳

七

國之兵大集。五月。憲實亦出兵神奈川。永享記。結城戰場記。喜連川判

鑑。先是遣細川持常世保持賴一色義範伊勢守護長

野。名。安藝守護武田信賢等征大和。諸將陣多武峰。義

教密使信賢持常長野殺持賴義範。以兵間有備。不果。

是月。義教使人就堀川第。召義範妻來。蓋以其有姿

色也。妻與中自殺。使者亦自殺。義教恐義範聞之。遽使

信賢殺義範。別命持常長野殺持賴。切瀆發心略記。武田系圖。天地根元

歷代圖。沙門裔英所記。大日本傳。皇代記。七月。性順景仲與一色伊豫守戰

村岡。大破之。結城戰場記。十月。諸軍圍結城。山内氏義出降。

喜連川判鑑。○山内。結城戰場記作山川。未知孰是。是歲。義教弟僧義昭叛。奔日

向起兵。嘉吉元年二月。使國人殺之。三月。國人襲之。自

殺。送首京師。天地根元歷代圖。沙門裔英所記。大日本傳。四月。清方督諸軍。

攻結城。拔之。氏朝光久舉族皆死之。其下戰死者數萬

人。長尾豐景執春王安王。小山小四郎執永壽王。野田

右馬助棄古河城而逃。矢部大炊助戰死。五月。豐景護

送三公子。至美濃之垂井。義教令殺春王安王于金蓮

寺。拘永壽王于美濃守護土岐持益家。函送氏朝光久

已下首二十九于京師。梟之六條河原。永享記。結城戰場記。喜連川判

鑑。湘山星移集。六月。先是赤松滿祐自己殺族持貞。領
錄倉大草子。邑尤大。稍張威福。義教惡之。常曰。前將軍捨伊豆家之
嫡。而賜持貞。固不可。然貞村在。豈滿祐之所專哉。貞村
詮則之嫡孫也。持貞乃詮則第七子也。遂密賜書貞村
曰。封汝播備作。滿祐子教康聞之。語滿祐。深憾之。密為
反計。至是請曰。池島產雛。願將軍來見。及義教至滿祐
第。滿祐飾屋室。設猿樂。酒酣。放厩馬。逸中庭。因閉門起
伏。舉坐錯愕。不知所措。義教為安積行秀所弒。京極高
數山名。燕貴土岐遠江守等。皆見殺。權中納言藤原實

雅亦被創。大內持世等。踰門而逃。滿祐西奔。至攝津。葬
義教首於宗禪寺。遂奔播磨。得平記。應仁外記。赤松記。
嘉吉記。○葬義教首。諸說
紛紜。今從得平記。義教年四十八。贈太政大臣。稱普廣院。足利
家傳。
子義勝嗣。次義政自有傳。次政知。次義視。次義永。為左
馬頭。政知義視別有傳。足利
系圖。義教至滿祐第。前日有小
人長二寸許。見于室町第中。設猿樂。奏鷄飼。眾怪視之。
迺就執之。四散不見。纔得一人籠之。不食而死。方至滿
祐第。適奏鷄飼。其曲未終遭弒。一色義範土岐持賴之
見殺也。天下以為冤。而義教屢夢二人為祟。此日滿祐

足利將軍傳

第中臨水。又見二人影云。永享記。結城戰場記。劫濁發心略記。

足利義勝義教子。足利系圖嘉吉元年六月。義教為赤松滿

祐所弑。義勝嗣立。喜連川判鑑滿祐奔于播磨。據書寫坂下。

遣弟則繁於蘭原。迎足利冬氏。冬氏兄弟。廼以兵五十

至。滿祐推為將軍。赤松記七月。火葬義教屍於等持院。足利

系圖滿祐送書管領持之。請受兵自殺。持之斬使者不報。

八月。勅持之曰。滿祐教康行弑。並亂人倫。拒朝命於播

州。招天吏之干戈。其發軍行誅。所以忠於國。而孝於家

也。赤松記遣細川持常赤松貞村武田信賢山名持豐山

名教清山名教之等討之。持常貞村信賢自須磨明石。

持豐等自但馬進。隔端崎河布陣。持常戴于滿祐。故在

前軍。使後軍不得進。教清教之率。因伯兵向城後。持豐

渡河。與諸軍合圍城山。應仁外記八月。義勝叙從五位下。足利

家傳九月。諸軍攻城。山拔之。滿祐自殺。傳首京師。梟之三

條。行賞。與播磨於持豐。美作於教清。備前於教之。應仁外記

嘉吉記。赤松記。待平記閏月。京師行德政。使所借錢物。并子母莫

還。所質衣物財器。亦不得出錢償。諸國倣行。良民不復

之。怨訴日繁。人始思亂。年代記。殘編。略年代記二年二月。始讀書。

足利將軍傳

八月。管領細川持之卒。以島山持國為管領。尊卑分脈。十一

月。加首服。叙正五位下。任左近衛中將。為征夷大將軍。

聽禁色昇殿。三年正月。叙從四位下。七月卒。年十。稱慶

雲院。贈太政大臣。足利家傳。義勝幼而喜馭。遂墜馬而夭。龍派。

吊詞。弟義政立。喜連川判鑑。

贊曰。足利義教以緇流入嗣。好兵嗜殺。滅同姓。殺羽翼。

關東遂為上杉氏之有。取於彼。與於是。仁者不為。而况

於取諸同姓。與諸異姓者乎。不仁之甚也。數出兵於四

方。殺戮無辜。殺一色義範。而奪其妻。水中之怪。小人之

妖。不可謂無餘殃。宜哉。為赤松滿祐所弑。可不戒哉。義

勝幼而喜馭。遂墜馬而卒。古曰。善游者溺。豈不信乎。

足利義政 足利義尚

足利義政。義教第二子。幼名三歲君。足利系圖。○鎌倉大草子。作三寅君。

今從系圖。嘉吉三年七月。義勝卒無嗣。義政代立。喜連川判鑑。九

月。前權大納言藤原有光反。乘夜卒。兵侵闕。取神璽寶

劍。奉南朝皇子萬壽寺僧金藏主者稱帝。據延曆寺中

堂。僧徒攻破之。斬金藏主。賊棄寶劍於清水堂後門。天

皇避難于左大臣藤原房嗣第。納寶劍於禁庭。曆代圖。略年代。

記。文安元年六月。美濃守護土岐持益殺其守護代戶

島。康富記。東寺過去帳。○七岐本。書關名。今據尊卑分脈。及土岐系圖書之。戶島名關。東寺過去帳作外島。

戶嶋徒募兵近江。入美濃。焚垂井。殺土岐族四人。七月。

近江南郡守護六角滿綱為其下所逐。康富記。○六角

系。二年正月。滿綱及子時綱率兵入近江。戰敗死。從兵

死者數百人。東寺過去帳。滿綱弟高賴嗣。十二月。初赤松

滿祐之被誅也。以明德之亂。滿則戰死。時赦滿則孫滿

直。而赤松氏遺臣遂擁之。謀滅山名氏。自去年屢戰。播

磨。敗死者數千人。至是滿直與父滿政自死於有馬。皇

東寺過去帳。應仁外記。是歲。罷畠山德本。以細川勝元為管領。尊

分。三年七月。戶島徒與齊藤戰于美濃。死者數百人。九

月。富樫政親與族父安高爭。加賀守護職。屢戰其國。死

者數百人。東寺過去帳。作富樫兄弟。康富記作再叔父

所適從。今從康富記。而康富記書龜。十二月。叙從五位

上。家傳。賜名義成。錄。官位記。四年二月。叙正五位下。為侍

從。家傳。官位記。五月。先是富樫政親與安高爭職。管領勝元

素助安高。政親亦憑前管領畠山德本。請訴不已。至是

令二人分領國。康富記。秋。土民蜂起。鳴鐘私行德政。侵掠

足利將軍傳

足利將軍傳

三

京師。義成召兵諸國備之。自德政之行。姦民乘衆怒作亂。白晝相率入人家。劫奪資財。遂至召兵卒禦之。而兵

卒入京。又暴良民。民益苦之。東寺過去帳。十二月。自山德本

遣兵攻紀之北山。斬將圓胤。傳首京師。康富記。五年十二

月。義成爲左馬頭。家傳。寶德元年正月。與持氏領邑於遺

子永壽王。改名成氏。東歸。以右京亮上杉憲忠爲關東

管領。佐成氏。古河系圖。喜連川判鑑。湘山星移集。鎌倉大草子。四月。義成元服。

武藏守細川勝元加之。陸奥守細川教經理髮爲征夷

大將軍。聽禁色。家傳。康富記。八月。叙從四位下。任參議。兼左

近衛中將。家傳。是歲。罷細川勝元。以畠山德本爲管領。尊卑

分二年正月。叙從三位。三月。任權大納言。六月。叙從二

位。家傳。三年九月。義成納婦人言。令斯波義健逐尾張守

護代織田鄉廣。義健及甲斐美濃入道不奉令。義成母

聞之。諫。義成不聽。遂遁于嵯峨。德本等切諫不已。義成

從之。義成母亦還第。康富記。將軍家譜。享德元年九月。斯波義

健卒。無子。以族大野持種子義敏爲嗣。無何。義敏爲其

下所逐。移居東山。應仁記。劫瀆發心畧記。是歲。罷畠山德本。再以

細川勝元爲管領。尊卑分脉。二年三月。叙從一位。六月。改名

義政十二月爲淳和特學兩院別當源氏長者家傳三年四月畠山德本子義就與弟政長構兵都下洵義政令諸將以兵衛第細川勝元山名宗全以黨政長故不至八月宗全勝元謀救政長攻德本德本燒其宅屏居建仁寺西來院義就奔伊賀衆謂德本與義就協謀事未可知也不如迎以濟事政長然之遣族阿波守迎德本德本還家政長迺移居德本家勝元使之謁義政然義政常憤宗全勝元黨政長不聽勝元不自安託罪家臣磯貝斬之以謝十一月義政將誅宗全召兵第中欲

俟相國寺鳴鐘而發勝元以宗全之婚不欲與事俄逃東山五大堂義政爲罷兵勝元因請赦宗全宗全亦上誓書以謝罪於是令宗全退居但馬留子教豐居京師讚岐守細川成之世與赤松氏善至是赤松氏遺臣賴成之請自起兵取其故邑義政許之遂遣赤松則尚於播磨密託以誅宗全十二月則尚西下亡何播磨作皆屬則尚長祿記長祿寬正記應仁外記劫濁發心略記康富記足利成氏殺關東管領上杉憲忠於鎌倉西門康正元年正月長尾昌賢迎憲忠弟房顯於越後爲主據上野境出兵攻鎌倉義

甘雨草履書

足利將軍傳

政亦命駿河守護今川範忠擊成氏。戰數年。成氏遂敗。走古河。義政令房顯移山內。鎮關東。自是關東大亂。國郡靡弗被兵。喜連川判鑑。永享。記。鎌倉大草子。二月。宗全入播磨。若普當山。五月。攻壇特山不克。會子是豐在室山。為則尚所圍。廼引兵救室山。則尚解圍。而走壇特。兵亦聞之。潰去。則尚至備前自殺。宗全遂入京。義政不之罪。應仁外記。得平記。六月。義政召還義就。於是政長不得在京師。遂出奔。勝元不得救。義就奉綸旨。擁義政旗。以討政長於河內。而以紀河泉兵多從政長。屢戰不能克。劫濁發心略記。義就與伊勢備中守。

赤松民部 七月。關東函送石堂一色世良田里見首于

義政第。蓋從成氏舉兵者也。康富記。八月。義政兼右近衛

大將。二年正月。為馬寮御監。家傳。長祿元年六月。以澁川

義鏡為關東探題。鎌倉大草子。十二月。遣弟政知於伊豆。鎮

關東。尊卑分脉。錄。倉大草子。二年二月。義政使斯波義敏還京。其

下不奉命。請以治部少輔澁川義廉襲斯波氏。義政許

之。應仁記。應仁外記。劫濁發心略記。七月。義政任內大臣。家傳。八月。先是

赤松氏遺臣殺南朝二王子。取神璽不成。至是又說吉

野遺民得神璽。進之朝廷。帝下詔救赤松政則。政則時

足利將軍傳

五歲。曰二郎法師。義政與加賀之河北石川二郡。備前

之新田。出雲之宇賀。伊勢之高宮。應仁外記。續神皇正統記。足利家傳。上月

記。得平記。皇年代略。記。天地根元歷代圖。三年六月。政則兵入備前。山名教

之守兵拒之與戰。義政下令受代。赤松再興記。十月。政則兵

又入加賀。守護富樫政親家臣岩屋集兵與政則兵戰。

義政令詰赤松家臣。對以彼來擊。不得止應之。季瓊日錄。○日

錄。不書富樫名。今據富樫記。說見于上。寬正元年二月。地震。比年旱風水。

加以兵役。天下凶荒。道殣相望。而義政常事奢侈。遊飲

自如。脩營第沼。令四方致奇樹巨石。下不堪命。帝憂之。

賜詩曰。殘民爭採首陽薇。處處閉爐鎖竹扉。詩興吟酸

春二月。滿城紅綠為誰肥。義政為罷役。天地根元歷代圖。三月。

捕楠氏在吉野者。悉殺之四塚。季瓊日錄。八月。義政任左大

臣。足利家傳。九月。先是畠山義就致花木於室町第。而適枯。

時方禁殺。而有告義就按鷹郊外。義政聞惡之。至是赦

政長。使伊勢負親飯尾下總守譴責義就。退居領邑。義

就乃卒。兵南下。政長代入義就家。義政遣政長擊義就。

義就城若江防之。政長陣于龍田。義就遣兵襲之。政長

逆戰大破之。義就走據嶽山。更城烏帽子像。國見山。寬

弘觀真金胎觀正四寺以為拒備政長進入河內又進

陣于弘川與義就相持長祿記長祿寬正記將軍家語劫濁發心略記二年正

月義就出兵奪糧與政長兵戰太子河原六月義就襲

弘川營政長逆擊破之函送所斬獲首三十餘于京師

八月義政辭右近衛大將長祿寬正記足利家傳三年四月命細

川成之山名是豐武田信賢北畠教具等援政長攻嶽

山城應仁外記長祿記九月伊豫守護河野通春反遣大內教

弘擊之教弘卒于陣中土民蜂起使所司代多賀高忠

討之陸奧人伊達成宗來朝長祿寬正記十月土民入七條

禪佛寺使赤松政則擊平之季瓊日記四年四月政長攻破

嶽山城義就奔于吉野長祿記五年正月政長振旅入于

京師長祿記三月義政遊于花頂山若王寺大原野等觀

花時將士驕僭相伴衆以黃金為箸供衆以檀沈為之

其競為華靡如此由是上下罷敝皆質領邑費財破產

賦役無制百姓止耕餓莩盈塗近江塩津人熊谷某世

事將府視世將亂上書諫之義政大怒曰其言雖善不

在其位而謀其政罪在不赦收其領邑應仁記七月義政

為院執事尋賜兵仗足利家傳十一月罷細川勝元以畠山

政長為管領。長錄寬正記。尊卑分脉。義政准三宮。足利家傳。前管領細川勝元遣兵於伊豫擊河野通春。義政令大內政弘援

勝元。長錄寬正記。義政年已三十餘而無子。謂人生無幾。不

若使弟僧義尋還俗讓職。而優遊終年。十二月遣使於

淨土寺告之。義尋固辭不從。義政又贈書誓曰。自後生

男。則宜為僧。我若食言。神祇有罰。義尋乃棄衣鉢。還本

服。入于今出川第。改名義視。以細川勝元為傳。系圖家傳。應仁

記。六年十一月。義政夫人藤原氏生男子。己而悔。義視

為嗣。謂山名宗全當世老成。諸將為婚。威權無比。宜託

以孤。乃親作書贈之曰。我年過三十。而偶得兒。託諸桑

門。何悲若之。乃送致君。進退存亡。惟君所計。宗全諾之。

應仁十二月。斯波義敏賴伊勢負親。請歸京師。義政許

之。義敏廼入將府。應仁外記。文正元年正月。足利成氏與上

杉顯房相持于武藏五十子。喜連川判鑑。四月。義政罷斯波

義廉。尾張越前守護職。以義敏代之。遣使曰。宜以宅屋

附。義敏。義廉不奉令。集兵自守。山名宗全有嫁女於義

廉。約以故義廉告之。宗全大怒。與土岐成賴一色

義直六角高賴等諸將。結黨為防禦之備。訴伊勢負親

之。

世嗣傳

足利將軍傳

六

罪貞親奔于近江。義敏奔于北國。賜貞親食邑於其子。貞宗京師傳言。義視亦黨義廉。義政聞疑之。義視懼避之。細川勝元宅。五月。義政遣藤原勝光迎義視還。勝元守衛之。應仁外記九月。山名宗全賴義政夫人。請赦畠山義就。義政許之。十一月。義就入于京師。應仁元年正月。山名宗全謀罷畠山政長。用畠山義就。細川勝元素助政長。宗全率其黨圍室町第。移車駕于此。訴勝元助政長。義政迺遣使勝元不得助政長。勝元不奉令。浮言沸騰。第中爲守禦之備。義政下令。諸將不得發兵。獨使政長

義就相鬪。義就喜將攻政長。政長乘夜焚宅。退陣于御靈森。義就率兵進攻之。宗全潛遣兵援之。政長戰敗。集屍焚之而走。義就兵赴爐中視之。以爲政長已焚死。宗全等大喜。罷兵。車駕歸闕。應仁記應仁外記二月。以斯波義廉爲管領。將軍執權次第五月。細川勝元起兵。擊一色義直走之。直入于室町第。請義政之旗。建諸四足門。分遣諸將攻山名宗全。宗全又集兵列陣京西。勝元部將藥師寺與市鳴鼓發聲。諸將聞之俱進。攻宗全營破之。宗全部將大田垣土佐守等退保芝藥師。宗全則使斯波義

廿四日 義書

足利將軍傳

廉攻細川勝久營。京極持清攻之不克。赤松政則代之。擊破義廉。六月。宗全兵入丹波。守護代內藤貞正逆戰不利。內藤貞德死之。敵兵大掠。遂入京師。盜縱火於一色政氏宅。延焚三萬餘家。七月。細川道賢細川教春武田信賢等攻斯波義廉宅。不能克。八月。大內政弘將長門周防豐前筑前兵入攝津。河野政通將伊豫兵繼之。守護代秋庭元明逆戰于井鳥野。不利。政弘政通遂入京師。元明集敗卒尾之。宗全出兵遮之。元明列陣岩倉。應仁九月。義政辭左大臣。足利家傳。勝元聞義政侍臣貳于

宗全。使細川教春訴之。義政使藤原公春吉良義信告勝元錄其名氏上之。勝元廼錄一色式部少輔大原判官等十二人上之。義政廼諭侍臣曰。卿等宜出第。緩勝元怒。皆對曰。君意在于宗全。故臣等聞敵軍獲利則喜。見我軍乘勝則愁。然臣等十二人獨得罪。可謂不幸。故當至勝元前自殺。以明黨宗全。手兵八百。擐甲執刀。將出鬪死。第中震慄。公春義信慰曰。公等非得罪於君。惟當暫避。勝元怒去兵而出。廼從之。第中始安。勝元置伏於一條室町。飯尾下總守導之。入于相國寺。境中地廣。

不知其所往。獨齊藤藤五郎與第中侍女辭訣。不知衆入相國寺。路過一條。遇伏被殺。此日第中流言宗全將侵闕。奪乘輿。勝元奏請畠山政長叙從三位。奉迎乘輿。遷于第中。然侍臣等猶在第中。故自午至亥。駐驛門外。公卿宮女。備嘗艱難。至是乘輿入于第中。侍臣等逃。以計由飯尾下總守。勝元使人乘夜殺下總守于第中。義視往伊勢。馮國司北畠具教。宗全分兵四。一大內政弘兵由南禪寺。二宗全兵由日岡嶺。三畠山義就兵由山科。四斯波義廉兵由如意嶽。進攻岩倉。元明逆擊悉破。

之。經神樂岡入于勝元營。武田基綱陣于三寶院。守衛禁闕。宗全使畠山義就畠山義統大內政弘土岐成賴六角高賴一色義直率兵五萬攻之。基綱防戰。自卯至申。士卒散亡殆盡。基綱一人留而格鬪。所向艸靡。義就兵野老源三進向基綱。基綱振刀斬之。刀折。基綱大呼而退。敵兵懼而無敢追者。敵將進兵向淨花院。京極持清不戰而逃。十月。相國寺僧應宗全縱火。敵將見之。進向相國寺。京極武田二將棄守而逃。細川勝之安富元綱防之總門戰死。其下死者不可勝計。載首八車。松田

次郎左衛門來見義政曰。事急。願賜一杯。為冥途營。義政壯之。賜酒。松田。廼噲曰。捨我百年命。報君一日恩。出戰死之。敵軍乘勝。大呼而進。餘烟覆第。侍女驚懼。義政飲酒自如。細川成之與細川勝久入見。畠山政長。山名是豐武田國信。有馬元家等侍坐。夫人藤原氏使人謂成之曰。宜避賊于鞍馬。或若狹丹波。對曰。賊鋒雖銳。何恐之有。即命士卒拂之。出與勝元謀之。勝元使畠山政長防之。東條近江守為後繼。政長與六角高賴交鋒。東條橫突。高賴大敗退走。一色義直等不戰而走。赴蓮池。

溺死者甚多。斬獲八百餘級。政長使人大呼言曰。斬首

入百。以報于總門八車之役。自後敵兵不敢東向。應仁

仁外記。皇二年正月。以斯波義良為管領。尊卑分脉。○

年代略記。以後義廉在于敵陣。然營中擾亂。不暇拜除乎。而義良

義廉子為義敏所養。故在于營中乎。皆未詳。故暫從尊

卑分脉所記。三月。勝元部將長九郎左衛門內藤孫四郎等

入但馬。與大田垣新兵衛戰于朝來。不利。死之。應仁

月。罷斯波義良以細川勝元為管領。尊卑九月。勝元部

將內藤貞正起兵丹波。與宗全兵戰于嵯峨。敗績。勝元

別使山名是豐藥師寺與市浦上則村攻舟岡山城。破

足利將軍傳

足利將軍傳

之十月。天皇詔召義視于伊勢。義視還于京師。十一月。京師訛言。勝元謀廢義政。立義視。人心洶洶。勝元不安。謂義視入于宗全營。則浮言息焉。延謀諸武田信賢。使義視登比叡山。宗全迎之。文明元年三月。勝元遣兵乘夜襲敵陣。勝元勸義政修五壇法祈戰勝。五月。多賀高忠將近江兵。陣于如意嶽。以通糧道。六角龜壽麻呂起兵于北郡。以窺其虛。高忠率兵而還。義政以高忠去。使武田信賢城于北白河守之。山陰山陽西海諸國大亂。十二月。上皇崩于室町第。是爲後花園天皇。二年正月。

義政葬後花園天皇。

應仁外記

三年正月。南郡六角高賴起

兵將入京師。北郡守護京極持清擊破之。五月。斯波義廉部將朝倉敏景歸順。以爲越前守護。五年三月。山名

宗全死。五月。管領細川勝元卒。東西餘黨皆還其國。

應仁

別記。十二月。義政辭征夷大將軍。子義興爲征夷大將軍。六年九月。美濃守護土岐持益卒。子成賴嗣。九月。畠山

義就奔于河內。十一月。大內政弘奔于西國。畠山義統

焚營。奔于能登。義視與土岐成賴焚營。奔于美濃。京師

爲郊原焉。

家傳。皇年代略記。土岐系圖。○大內氏世領防長豐後。而居周防山口。然則所奔蓋山口。

足利將軍傳

也。然皇年代略記書西國。故今從本書而不改。十五年六月。義政移居于東山

別業。帝勅賜號東山殿。京華集親長記十七年六月。別髮稱道

慶。延德元年三月。征夷大將軍義尚薨于近江軍中。四

月。義視歸自美濃。家傳。系圖。尊卑分脈。長享年二年正

月。義政薨于東山別業。年五十六。稱慈照院。家傳。系圖。二月。

贈太政大臣。系圖。係三月。今從家傳。子義尚先薨。弟義視子義材

嗣立。次子義覺入大覺寺為僧。系圖。尊卑分脈。義政不委政於

管領。惟用婦人之言。是以賄賂公行。怨訴日至。畠山義

就畠山政長三襲封。三奪職。斯波義敏斯波義廉二受

罪。一見容。故諺曰。勘道無咎。赦面無忠。勘道言受罪。赦

面言遇赦也。是以天下大亂。仁山氏業衰。應仁記。應仁別記。

足利義尚。義政長子。初名義熙。系圖。初名義尚。後改義熙。今從家傳。尊卑分脈。

文明五年十二月。叙正五位下。任左近衛中將。聽禁色

昇殿。為征夷大將軍。此日元服。義政加之。參議藤原廣

光理髮。以畠山政長為管領。七日而罷。六年六月。叙從

四位下。七年正月。兼美作權守。四月。叙正四位下。九月。

任參議。家傳。尊卑分脈。八年正月。叙從三位。九年正月。叙正三

位。系圖。九月。畠山義就奔于河內。十一月。大內政弘畠山

義統等。各焚營。奔于其國。土岐成賴奉義視奔于美濃。

皇年代略記。○義視奔。家傳係五年。然成賴奔。在子。是今年。則不可有先成賴。而至于美濃。故今定書于此。

年。以畠山政長為管領。尊卑分脉。十一年正月。叙從二位。十

二年三月。任權大納言。十五年三月。叙從一位。家傳。十六

年十二月。為淳和學兩院別當源氏長者。系圖。十七年

八月。兼右近衛大將。十八年正月。為馬寮御監。家傳。七月。

罷畠山政長。以細川政元為管領。政元辭之。長享元年

八月。再以細川政元為管領。尊卑分脉。九月。義尚帥師。擊南

郡守護六角高賴。長享年後。畿內兵亂記。二年六月。本願寺僧兵

滅加賀守護富樫政親。取其國。富樫記。加越關爭記。○

知孰是。今暫從富樫記。九月。義尚任內大臣。延德元年三月。薨于

軍中。年二十五。號常德院。四月。贈太政大臣。系圖。尊卑

年後畿內兵亂記。皇年代略記。義尚幼而好學。兼能倭歌。陣中召儒者。

講書傳。常欲撥亂反正。不得志而薨。人皆惜之。義尚公終焉記。

近江之役。為消閑。泛舟於湖水。有童子二人。盪舴艋而

遊戲。義尚使人問其里居。答曰。住梅原者也。義尚乃賦

詩曰。湖邊自異山林興。童子尋梅棹小舟。而結末未成。

其夜夢有人賡句。然記者失其句。後世惜之云。又嘗當

炎熱之時。士卒苦暑。義尚憐之。其陣營在鏡山之側。乃詠倭歌曰。結弗末迦栗。屈勿列遏弗密納。軻軻密用末。韃必廼用子烈廼。渴結廼密攸呂任。言未終。忽天陰風動。衆始覺如生。文祿清談嘗就藤原兼良問治體。兼良作樵談治要。文明一統記贈之。樵談治要。文明一統記。

贊曰。足利義政好奢侈。而不惠下。厚賦歛以奉諸己。屢興土木之役。徒勞畚鍤之夫。防忠臣之諫。納婦人之言。柔弱無斷。承制強臣。送義視於敵陣。兄弟閹墻。遣政知於關東。同姓窺隙。上行下倣。理之常也。斯波畠山山名。

富樫之屬。悉皆本支分爭。骨肉相害。禍亂之大。未會有如此甚者也。是以天下大亂。群雄割據四海。長為戰國。宮室臺榭。家乘朝典。悉係兵燹。師之所處。荆棘生焉。墜露沾行人之衣。禽獸偏縉紳之居。其血食豈不幸虐。義尚幼而好學。陣中延儒者。講文問治。庶幾有可取焉。然其於義視。無一讓之義。征近江也。不足將略以服敵。嗚呼惜哉。

足利義植

足利義澄

足利義植。義視子也。初名義材。應仁二年十一月。義視

甘雨亭後書

足利將軍傳

入于山名宗全營也。以義材託武田信賢。信賢送致之。

應仁外記文明五年三月。宗全死。餘黨皆歸于其國。九年九

月。義視與土岐成賴。携義材奔于美濃。長享元年八月。

加首服。叙從五位下。任左馬頭。應仁別記。家傳。系圖。足利家官位記。皇年代略

記延德元年四月。與義視歸于京師。二年正月。義政薨

無嗣。義材代立。系圖。尊卑分脉。長享。年。後。幾。內。兵。亂。記。七月。為征夷大將

軍。聽禁色昇殿。兼左近衛中將。叙從四位下。系圖。○足利家官位

記。作。右。近。衛。未。知。孰。是。三年正月。義視薨。四月。從三位左兵衛督

足利氏滿薨于伊豆。子政氏嗣。八月。義材改名義尹。奉

詔賜錦旗。征六角高賴于近江。明應元年十一月。至自

近江。系圖。畿內兵亂記。○官位記。改名係明應九年。未。知。孰。是。二年二月。帥師征畠

山義豐于河內。畠山政長等從行。進陣于正覺寺。管領

細川政元。友與京極桃井山名一色等諸將救義豐。四

月。來侵正覺寺營。軍潰。義尹就擒。政長防戰死之。子尚

順。足利系圖。作尚慶。天地根元。壁代圖。作尚長。今從尊卑分脉。奔于大和筒井城。政

元幽義尹於物部紀伊守宅。是歲。伊勢氏茂襲堀越。取

伊豆。北條五代記。關東兵亂記。六月。義尹潛逃奔于越前。系圖。畿內兵亂記。天

地根元歷代圖。六月。據官位記。政元奉香嚴院立之名義退。畿內兵亂記。系圖。

六年。畠山尚順起兵入河內。十月。攻譽田城。拔之。義豐

敗走。天地根元。歷代圖。八年正月。尚順又與義豐戰于河內。大

破之。義豐走死。東寺過去帳。異。本年代記拔萃。七月。義尹起兵入京師。

戰于坂本。敗。畿內兵亂記。○系圖。為閏四月。而不。年。九。蓋關文。官位記係。六年。今從兵亂記。

月。畠山尚順削髮號卜山。又出軍河內。與赤澤宗益戰。

敗。走紀伊。應仁後記。異。本年代記拔萃。十二月。細川政元使赤澤宗益

納畠山義英於河內。尚順逆戰不利。走紀伊。異。本年代記拔萃。應

仁後九年二月。義尹航海往阿波。細川高國畠山義元

伊勢貞宗等三百餘騎從之。懸船于鳴門。召兵。而無應

之者。去而至周防。館大全坊。遣上野民部大輔說大內

義興。以復歸京師。義興來見。義尹大悅。義興乃奉義尹

移居山口神光寺。傍近城邑。兵稍來集。安西軍策。文龜二年。

畠山卜山出軍大和。攻越智城。拔之。十月。與赤澤宗益

戰于信貴。大破之。義尹與山書。永正元年。卜山與畠山義英

講和。天地歷代圖。二年十一月。宗益又擊河內。略年代記。三年正

月。宗益陷高屋城。南都興福寺僧英後日記。義尹召義興謂曰。余居

于此也久矣。然義澄無有窺我。宜乘彼無備。而入于京

師。義興廼移檄於山陰山陽西海諸道。十一月。軍發山

甘雨亭後書

足利將軍傳

氏

口。義興將防長豐筑兵二萬餘人繼之。軍及安藝國府。
武田元繁等卒。兵來會。軍發國府。及備後陣于鞆。山陰
山陽兵衆畢會。勢聲大振。四年。西海群雄大友菊池等
帥舟師來至。四國人聞之。多屬細川高國者。安西軍策。六月。
細川政元爲其下所殺。二川分流記。七月。發鞆。海陸共進。陣
于明石。大內義興先登。與京軍戰。大破之。斬首四千餘
級。長驅入于京師。陣于東寺及相國寺。八月。又戰不利。
退陣丹波。敗卒來集者二萬餘。至于夜半。大內義興尼
子經久大友島津等諸將來至。軍又振。發丹波。義興先

登。經久繼之。京軍城舟岡山防之。攻擊大破之。斬首五
千餘級。安西軍策。五年二月。義澄出奔近江。安西軍策作義澄戰死舟岡山
蓋書傳聞也乎。故今從系圖。六月。義尹入京師。七月。再爲征夷大將
軍。叙從三位。任權大納言。十二月。叙從二位。系圖。官位記。六
年二月。攻延曆寺不利。將軍家譜。七月。越後上杉房能爲其
下長尾爲景所殺。十月。義澄使賊乘夜襲三條邸。宿直
者醉卧不覺。義尹身自防鬪。斬賊四人。蒙創九。時人皆
服其勇。家譜異本年代記拔萃。七年六月。上杉顯定及其子憲房
起兵於上野。擊爲景不克。顯定戰死。憲房走保白井城。

甘雨亭叢書
足利將軍傳

十國志

卷

關東兵亂記 八年七月。義澄將細川澄元起兵。四國入和泉。

細川高國遣兵防戰不利。八月。澄元入京師。義尹奔丹

波。集殘卒。又向京師。細川政賢。澄元奔攝津。得首一千

餘級。二川分流記。亂記。系圖。官位記。 義澄薨于岳山。

十年。義尹往近江。五月。至自近江。亂記。官位記。 十二年。

改名義植。官位記。作十年。今從年代記。殘篇。 六月。造第於三保高倉。十

二月。第成。徙居于此。年代記。殘篇。 十三年。武田元繁歸安藝。

安西軍策 十四年十月。義植遊有馬温泉。細川高國。島山卜

山大內義興等從行。亂記。畿內兵 安藝守護武田元繁與毛

利元就戰于有田。敗死。安西軍策 十五年四月。義植登比叡

山。畿內兵亂記 十六年八月。防長豐筑守護大內義興就國。

出雲守護尼子經久。并伯耆備後備中。數與義興戰。互

有勝負。安西軍策 伊豆守護北條早雲卒。子氏綱嗣。喜連川判鑑

九月。義植為淳和辨學兩院別當。源氏長者。家譜。官位記。 細

川澄元又入攝津。高國兵防戰不利。十七年二月。高國

與澄元戰于攝津。敗走于近江。三好之長奉。澄元入京

師。義植與澄元通和。五月。高國以佐佐木定賴兵三萬。

陣于東山白河。執三好之長殺之。澄元奔于播磨。尋卒。

甘雨亭叢書

足利將軍傳

卷

二川分流記。略年代記。年代記殘篇。南都春日社若宮神主祐維日記。大永元年三月。義

植出奔淡路。細川義春迎之。系圖兵亂記。略年代記。九月。播備作

守護赤松美村為其下浦上村宗所殺。得平記。○大日本傳。繫八月。未

知孰是。今暫從得平記。三年四月。義植薨于阿波之撫養。年五十

八。號慧林院。系圖。兵亂記。贈太政大臣從一位。尊卑分脉。

足利義澄氏滿第三子也。延德三年四月。西上居天龍

寺。號香嚴院。氏滿尋薨。系圖。明應二年四月。細川政元襲

正覺寺營。執義尹廢之。奉香嚴院立之。畿內兵亂記。叙從五

位下。名義遐。喜連川判鑑。作義通。今從系圖。官位記。六月。改名義高。叙正

五位下。任左馬頭。十二月。首服。武藏守細川政元加之。

治部大輔細川尚經理髮。任征夷大將軍。聽禁色。系圖喜連

川判鑑。繫二年。十二月。蓋誤也。六年九月。從四位左馬頭足利成氏卒

于古河。子政氏立。喜連川判鑑。畠山尚順起兵入于河內。十

月。陷譽田城。畠山義豐敗走。天地根元歷代圖。八年正月。義豐

又與尚順戰。大敗死之。東寺過去帳。異本年代記。拔萃。七月。義尹起兵

入京師。義高遣兵逆擊坂本。大破之。義尹走于周防。畿內

兵亂記。九月。畠山卜山入河內。赤澤宗益擊破之。卜山走

紀伊。應仁。十二月。細川政元使赤澤宗益納畠山義英

足利將軍傳

於河內。島山卜山防之。宗益擊破之。卜山走紀伊。異本年代

記拔萃。應仁後記。九年。以澁川尹繁為鎮西探題。武家補任。文龜二

年七月。義高任參議。叙從四位下。兼左近衛中將。改名

義澄。島山卜山又入大和。陷越智城。十月。赤澤宗益與

卜山戰不利。義尹與卜山書。三年正月。義澄叙從三位。系圖。官位記。

永正元年九月。政元殺其下藥師寺元一於淀城。二川分流

記。畿內兵亂記。二年十一月。赤澤宗益征河內。略年代記。三年。宗益

拔高屋城。南都興福寺。英後日記。四年六月。先是細川政元養攝

政藤原政基子澄之居丹波。又養其族義春次子澄元。

至是藥師寺長忠香西元近等殺政元。迎澄之於丹波。

立之。攻澄元。奔于近江。起兵入京師。澄之戰敗自殺。忠

長元近等皆死。二川分記。流記。七月。義尹起兵周防。至播磨。遣

細川政賢等。逆戰大左塚。不利。八月。又戰相國寺。大破

之。義尹走丹波。義澄遣斯波細川京極六角等諸將城

舟岡山備之。義尹又來戰。我軍敗績。小笠原元永檣上

立潰腹死。安西軍策。五年二月。義澄奔近江。兵亂記。繫四月。今從系圖。六

月。義尹入于京師。八年七月。細川澄元起兵四國。入于

和泉。擊細川高國守兵破之。八月。入于京師。義尹奔丹

足利將軍傳

波。義澄時在于近江。病薨于岳山城。二川分流記。畿内兵亂記。系圖。○安

西軍策作義澄四年八月。戰死舟岡山。蓋書傳聞也。今從系圖。年三十二。號法任院。大

永元年八月。贈左大臣從一位。天文二年九月。賴豐後

守護大友義鑑請。贈太政大臣。子義晴立。次義維。系自

有傳。

贊曰。足利義植為逆。臣細川政元所幽。幸得逃出。寄偶

于北陸山陽之間。遂雪會誓之耻。再受將軍之任。雖然

喪亂無極。不能平治天下。武略有餘。文雅不足耶。抑天

不幸于室町氏耶。義澄為政元所立。政不由己。拱手承

制。猶嬰兒望乳。何夫懦弱。若其速正政元罪。以迎義尹。讓職而退。則當免禍。惜哉。

足利義晴 足利義輝

足利義晴。義澄子也。永正八年八月。義澄薨于岳山。託

義晴於播磨守護赤松義村。大永元年三月。義植出奔

淡路。管領細川高國迎義晴於播磨立之。系圖。官位記。得乎記。叙

從五位下。名義晴。十一月。進正五位下。任左馬頭。十二

月。冠于二條第。細川高國加之。陸奧守細川尹經理。髮

為征夷大將軍。聽禁色昇殿。二年二月。叙從四位下。任

參議兼左近衛中將。系圖官位記。八月河內守護畠山卜山

卒。子植長嗣。略年代記。三年四月義植薨于阿波。畿内兵亂記。足利系

圖。五年九月近江南郡守護六角定頼攻北郡淺井亮

政于大津見城走之。畿内兵亂記。六年七月細川道永殺其

下香西元盛元盛兄波多野種通元盛弟柳本堅治奔

丹波遣使於阿波請奉義維舉兵義維聽之道永遣兵

擊之不利道永高國號也七年二月阿波軍合堅治兵

陣于桂川義晴出軍備于六條道永陣于妙本寺若狹

守護武田信豐陣于七條泉乘寺敵別將三好勝時擊

破信豐軍遂敗績義晴走近江三月義維發阿波細川

晴元三好元長等先登航海至堺浦十月義晴合越前

守護朝倉義景南郡守護六角定頼北郡守護京極高

岑等兵二萬西上三好元長畠山義英波多野種通柳

本堅治等合軍向京師孝景與義英戰破之元長代義

英又與孝景戰殺傷相當及日暮兩軍退而相持享祿

元年正月孝景會元長議和諸將罷兵各還其國將共

送質子堅治構元長於晴元以故和議不成義晴又奔

近江。二川分流記。略年代記。九月陣于朽木。畿内兵亂記。皇年代略記。十二月

足利將軍傳

防長豐筑守護大內義興卒。子義隆嗣。安西軍記二年正月。

柳本堅治與三好元長戰于山崎。二川分流記三年正

月。義晴任權大納言。叙從三位。系圖官位記五月。播磨人別

所重直與依藤某爭封壇。重直請援於柳本堅治。堅治

卒。兵西下。與重直合勢圍城。六月。浦上村宗夜遣刺客

殺堅治。細川道永更號常桓。二川分流記經歷諸國。至

播磨。託浦上村宗以擊敵。村宗廼大舉入攝津。陣于神

咒寺。分兵拔諸城。迫于堺浦。聲勢大振。四年正月。義晴

發朽木。至堅田。二月。進陣坂本。四月。南郡守護六角定

賴與北郡淺井亮政戰箕浦。破之。義維告急阿波。三好

元長先發。細川之持繼至。敵軍又振。村宗又召兵。赤松

政村欲乘亂誅村宗。報父讐。廼引兵而至。聲言救村宗。

竊通使于堺。為內應。畠山義英出兵助常桓。義英臣木

澤長政反。降于晴元。六月。政村襲村宗。誅之。元長鼓譟

出。常桓大敗。為追兵見殺。戰死者二千餘人。赴水溺死

者五千餘人。野里川為之不流。二川分流記畿內兵亂

日本七月。從四位左馬頭足利政氏卒。子高基嗣。喜運

鑑八月。義晴入長光寺。畿內兵亂記天文元年正月。木澤長

足利將軍傳

政嫉三好元長功。護之。晴元六月。晴元納款。畠山義英帥師討長政。長政據飯森城禦之。請救晴元。晴元以本願寺僧兵擊破義英。長政尾擊殺之。晴元又舉僧兵十萬餘。圍義維元長于顯本寺。元長死之。義維將自殺。晴元使人奪刀。送還之。河內之四條。八月。長政私與僧兵戰。本願寺怒發其壇徒。在和河泉攝者攻塚。長政擊大破之。土民蜂起。謀再舉。晴元恐。賴于六角定賴謀之。定賴使其臣長原進藤等說本願寺。不聽。長原等去。說曰。蓮宗二十一寺起兵。敵本願寺。其壇越土民大喜。聚者

日以萬數。直圍本願寺。縱火焚之。二年正月。本願寺民兵大舉陷大物城。遂攻塚。晴元大敗。走淡路。二川分三流記。三月。民兵攻伊丹城。甚急。木澤長政督日蓮宗僧兵救之。擊民兵大破之。晴元還自淡路復塚。本願寺走石山。更名大坂。晴元將長政及民兵攻大坂。不能克。二川分流記。略年代。三年六月。義晴至坂本。四年。入南禪寺。畿內兵亂記。五月。帝勅令義隆關東足利高基卒。子晴氏嗣。喜連川刊鑑。五年。帝勅令義隆征九州。室町日記。七年五月。甲斐守護武田信虎為其下所逐。子晴信嗣。武田系圖。甲陽軍鑑。十月。相摸守護北條氏綱與右

武田系圖

足利將軍傳

兵衛佐小弓義明戰于鴻臺斬之喜連川判鑑八年美

濃齊藤道三逐守護土岐賴藝奪國信長記九年九

月出雲守護尼子晴久帥師擊安藝毛利元就嬰城防

之十一月防長豐筑守護大內義隆遣陶隆房帥師援

之十年正月元就分道出戰大破出雲軍毛利軍記七

月相摸守護北條氏綱卒子氏康嗣喜連川判鑑十一

年正月防長豐筑守護大內義隆擊出雲尼子晴久逆

戰破之安西軍策三月河內守護畠山植長使遊佐長教令

三好範長軍擊木澤長政誅之三木牛介獲其首二川分

記遊佐長教與三木牛介書義晴至自近江畿內兵亂記八月駿河守護

今川義元與尾張人織田信秀戰于小豆坂信長記十二

年七月細川氏綱起兵入堺晴元居守松浦肥前守逆

戰走之二川分十月關東足利晴氏與管領上杉憲政

合軍圍河越城十三年四月北條氏康襲晴氏憲政陣

大破之晴氏憲政僅免逃還關東兵亂記○喜連川五

月河內守護畠山植長卒弟晴國嗣尊年分脈十五年八月

細川氏綱入堺二川分十二月義晴兼右近衛大將辭

征夷大將軍系圖官位記十六年四月先是義晴圖許細川

氏綱黜細川晴元至是起兵入于東山城七月晴元與六角定賴東西來逼義晴奔坂本既而和成定賴晴元來謁萬松院殿閣雜記是月晴元與細川氏綱戰于舍利寺二川分流記大十七年六月義晴至自坂本將軍家譜十八年三月先是三好範長更名長慶憾族宗三木澤長政等讒殺其父元長長政既滅至是推細川氏綱為主起兵攻中島城拔之宗三走保復波城細川晴元爲救宗三率兵西下六月宗三出軍江口晴元在于三宅城遣使近江請援于六角定賴定賴使其子義賢發兵

一萬西上長慶弟十河一存謂長慶曰及援軍未出宜早圖敵援軍一出則悔何及長慶不欲殺晴元故不聽一存卒手兵不辭而發攻破三宅城分兵守之使晴元不得出直絕淀河攻江口大破之斬宗三子政勝出復波城走賴河原林正賴晴元請降長慶使人送至嵯峨義晴聞之召還義賢前軍既及山崎聞江口失守班師義晴出陣于神樂岡集僚佐議軍事晴元義賢皆曰退近江謀再舉義晴曰不如俟賊于此戰然諸將皆以爲不可義晴不得止遂奔近江陣于坂本十月命六角定

甘雨亭叢書

足利將軍傳

卷

賴城慈照寺。義晴憂憤生疾。時伊勢人賀多某獻鷹。義晴使彦部晴直飼之。日獵于志賀山中。消閑。十九年二月。義晴夢吟義政曾所詠萱草歌。而命結城國緣。以城築造營之事。覺而語侍臣。皆曰吉也。然萱草厭亂歌也。且國緣死。既數年也。故人知其遂不起矣。義晴雖疾篤。欲速入城平賊。定賴諫爭不聽。三月。進至穴太之新坊。黑齒剝爪。促裝命駕。侍臣諫曰。不是養生之道。義晴謂曰。古人有言。衣錦歸故鄉。卿等勿復言。入城有日。伊丹雅興反。降于長慶。以故滯留于此。下令城中告戒守備。

義晴疾革。召上野信孝伊勢貞孝三淵晴貞飯河信堅

大館晴光攝津元造等。遺命輔佐嗣子。五月薨。年四十。

號萬松院。萬松院殿閣雜記。穴太記。藤原前久。贈左大臣。義晴公辭。皇年代略記。

臣從一位。子義輝。義昭。周髡。系圖。尊卑分。周髡入于鹿

苑院為僧。永祿之亂遭害。二川分流記。○尊卑分。鹿苑院作鹿苑寺。

足利義輝。義晴長子。初名義藤。天文十五年七月。叙從

五位下。加首服于日吉社。六角定賴加之。細川晴經理

髮為征夷大將軍。聽禁色昇殿。叙正五位下。任左馬頭。

十六年二月。任參議。兼左近衛中將。系圖。○叙正五位下。任左馬頭。據官

甘雨亭叢書

足利將軍傳

卷

位記十六年春大友義鑑上洛為九州探題從三位左馬頭九州記十八年六月三好長慶亂奔近江事在于義晴語中十九年五月義晴薨于穴太之新坊細川晴元六角定頼等因伊勢貞孝告義藤曰穴太為境迫近敵地且非堅固地宜遷陣坂本不出五旬納神旗于京師加之故右大將殿駐駕于此也道路相謂曰居嗚呼憂死坊穴太新坊與嗚呼不祥莫甚焉豈非讖耶將軍盍速移陣義藤對曰故右大將殿使諸將守城曰定頼己為援軍之約於防寇何有定頼若食言則我父子進馬一

舉決勝負言猶在耳且夫先賢有言曰父讎不共戴天宜與士卒同志建功一戰若夫不克得勝致命父祖曬屍戰場不可有一步退士卒聞之勇氣十倍然諸將皆不樂行義藤不得止退屯于寶泉寺萬松院殿閣維記穴太記二十一年二月三好長慶遣兵侵志賀六角義賢擊退之三月進士賢光擊長慶於伊勢貞忠宅不成死之二川分九流記九月周防陶隆房殺守護大內義隆毛利軍記元就關東管領上杉憲政出奔越後北條氏康取關東喜連川判鑑關東兵亂記二十一年正月義藤還自近江救細川氏綱三好長

慶晴元出奔。

二川分流記。足利系圖。

四月。長慶率兵入丹波。攻八

上城。不利。十一月。晴元兵陷郡西院城。遂侵靈山城。二

十二年六月。阿波三好之康殺守護細川持隆。二川分流記。

七月。尾張織田信友殺守護斯波義元。信友族信長起

兵擊誅之。國人歸信長。織田軍記。義藤放細川晴元。召還京

師。三好長慶。畠山高政率兵入寇。義藤出奔近江。足利系圖。

二十三年二月。更名義輝。官位記。弘治元年十月。陶隆

房大舉入安藝。毛利元就逆戰于嚴島。大破之。捕誅之。

元就記。○將軍家譜等書。隆房作晴賢。蓋改稱也。今從本書。二年。元就帥諸軍。攻山

口。誅隆房子晴豐。擊餘黨平之。防長備藝石屬。元就。元就

記。安西軍策。美濃齊藤道三為其子義龍見殺。織田軍記。永祿元

年五月。義輝將諸軍。發朽木。陣于坂本。六月。進至如意

嶽。陣于勝軍山。十一月。和議成。義輝館相國寺。召三好

長慶。河內守護代安見美作守。逐守護畠山高政。高政

奔堺。十二月。義輝移于二條本覺寺。二年六月。三好長

慶帥諸軍。納畠山高政于河內。八月。遣細川氏綱守淀

城。二川分流記。三年正月。安藝守護毛利元就来朝。義輝與

之錦衣。列相伴衆。毛利家記。三好長慶來朝。二月。義輝朝關

長慶從焉。義輝以長慶為攝津守護。二川分五月。駿河

守護今川義元侵尾張。織田信長逆戰于桶狹間。斬之。

信長關東公方足利晴氏卒。子義氏嗣。喜連川十一月。

河內又亂。三好長慶擊取之。畠山高政奔堺。二川分四

年正月。三好義長來朝。三月。義輝遊義長宅。藤原國光

藤原永相。藤原晴秀。藤原雅教。細川氏綱。三好長慶等

從行。義長經營盡美。極歡而還。三好亭越後守護上杉

景虎率關東兵入相摸。北條氏康逆戰破之。五月。景虎

來朝。請為關東管領。義輝許之。命景虎。受名輝虎。關東

記七月。三好義長。受名義興。六角義賢出軍勝軍山。義

興屯于梅津。相持。畠山高政起兵。紀伊。應于義賢。三好

實休率諸軍。陣于岸和田。備之。足利系圖二川分。九月。

關東管領上杉輝虎與甲斐守護武田信玄。戰于河中

島。關東兵毛利元就將山陰山陽兵。擊出雲。城洗合。毛

亂記西軍策。五年三月。三好實休與畠山高政戰于久米田

敗死。實休之康之號也。三好義興擊高政于教興寺。破

之。高政走。紀伊。六角義賢聞之。班師。二川分十二月。出

雲守護。尼子晴久卒。子義久嗣。安西軍策○尼子系圖。

記。作四年。故今六年三月。細川晴元卒。二川分五月。以

相模守護北條氏康。伊豫守護河野通宜。為相伴衆。源光

院殿諸役付。八月。三好義興卒。十二月。淀鎮將細川氏綱卒。

二川分七年正月。北條氏康與安房守護里見義弘。戰

于鴻臺。大破之。房州延命寺所藏里見系圖。房州密藏院所藏里見系圖。關東兵亂記。北條五代

代。七月。攝津守護三好長慶卒。孫義次嗣。二川分八月。

尾張織田信長擊美濃齊藤龍興。龍興委國而走。信長

田軍。八年五月。先是三好長慶卒。孫義次年猶幼。其族

長緣政康岩成左通松永久秀等專權。至是奉阿波義

榮而反。率兵來襲。義輝督宿直將士。防戰不克。自殺。二

分流記。將軍家譜作三好義次。松永久通。然此二人年齒幼弱。蓋誤也。今從二川分流記。年三十。

系。細川隆是等三十一人悉戰死。義輝弟覺慶奔近江。

二川分六月。贈左大臣從一位。號光源院。系圖。官

贊曰。大樹之方巖也。非朽索之所維也。况天下之大亂

也。豈庸才之所治耶。足利義晴孩提播遷。雖為細川常

桓所立。輔弼非其人。繼之以細川晴元六角義賢。是皆

不及乎凡庸之才。任之何所濟耶。三好長慶之明敏。若

早用之不疑。則畿內不足治。然却以為敵。豈不過虐。義

輝嗣立之初。雖任長慶。首施兩端。懦弱無斷。然長慶之忠。終身不貳。及其卒也。遂遇弒逆之禍。可不謂之自取。庫

足利義榮

足利義昭

足利義榮。義維子也。居阿波。義維大永中。起兵阿波。至于攝津。戰數年。會細川晴元。畔降于義晴。事終不成。義維不得志。屏居河內。義榮常欲入于京師。成義維志。竊使三好長慶圖義輝。長慶不聽。永祿七年。長慶卒。孫義次。年尚幼。以故族長緣。政康。岩成。左通當路。稱之三人。

衆松永久秀。又專權。廼應義榮之命。八年五月。襲二條

城。弒義輝。二川分流記。義輝弟覺慶。奔近江。既而長

緣等與久秀爭權。樹黨分類。日夜相鬪。七月。長緣等迎

義次于飯盛城。移于高屋城。請義榮擊久秀。久秀又推

畠山高政為盟主。九年二月。長緣遣兵攻多喜山城。義

次卒。兵與畠山高政戰上芝。破之。六月。義榮發阿波。泛

海至兵庫。篠原長房前驅。使淡播兵攻多喜山。拔之。諸

城望風降附。九月。義榮入越水城。十二月。移富田莊。館

普門寺。二川分流記。叙從五位下。任左馬頭。十年二

甘雨亭叢書

足利將軍傳

卷四

甘雨亭叢書

月三好義次及入信貴城。松永久秀立為主。起兵略山

城。入大和。據南都。長綠等三將帥師南行。軍于東大寺。

十月。久秀乘夜襲之。燒大佛殿。長綠等大敗。二川分流

蓮華三昧院。十一年二月。義榮任征夷大將軍。聽禁色

昇殿。官位記。七月。先是覺慶經若狹。往越前。蓄髮。更名

義昭。至是入美濃。織田信長迎之。舉兵。系圖。朝倉記。加

記。八月。三好長綠等三將往近江。會六角承貞。謀禦信

長。二川分。九月。信長奉義昭入近江。承貞禦戰大敗。信

長長驅入京師。三好長綠等西奔。岩成左通迎降。信長

將諸軍西下。三好長綠。三好康長各棄其城。奔阿波。細

川真之。三好長治奉義榮奔阿波。義榮繼卒。二川分。號

光德院。系圖。○系圖云。九月。子義助居阿波之平島。義

助子義遠。義種。義種有子孫。系

足利義昭。義晴第二子。初入一乘院為僧。號覺慶。系。永

祿八年五月。三好長綠。松永久秀等弑義輝。奉義榮立

之。遣兵守一乘院。禁人不得入。獨聽細川藤孝入。覺慶

不知計所出。竊贈書細川藤孝。謀之。藤孝答曰。君當稱

疾。召醫。臣方謀之。迺語醫生米田宗賢。宗賢諾焉。覺慶

甘雨亭叢書

足利將軍傳

稱疾甚。使守兵召宗賢。宗賢廼至。覺慶服藥數日。而稱疾差。賜酒守兵。衆皆醉卧。宗賢窺間。負覺慶而逃去。入春日山。覺慶悲棄乳母。宗賢還入。又携來。藤孝又俛于此。從行至甲賀。投于和田秀盛。移居矢島。若狹守護武田義統及仁木義將一色藤長上野清信等。來屬覺慶。遣細川藤孝於近江南郡守護六角承貞。說復歸京師。承貞不奉命。覺慶欲以若狹守護武田義統已妹夫。倚之以舉事。十年八月。留諸將。卒十餘人。發矢島。至山田浦。則日已將暮。從者召舟人急發舟。舟人不聽焉。令藤

孝。啗之以錢。舟人廼解纜。湖水涵月。風光鮮明。覺慶曰。天憐我耶。如此良夜何。廼作詩寓情曰。落魄江湖暗結愁。孤舟一夜思悠悠。天公亦慰吾生否。月白蘆花淺水秋。既而至若狹。然以義統國小力弱。不能成事。欲賴越前守護朝倉義景。九月至越前。館龍門寺。信長記十一月。移居安養寺。義景來謁。置酒宴飲。十二月。義昭往義景。一乘城。置酒盡歡而還。十一年三月。遊南陽寺。賞櫻花。賦倭歌。義景設宴。四月。天皇遣藤原晴良來聘。朝倉覺慶蓄髮及本服。義景加冠。晴良理髮。改名義秋。又改義

昭系圖朝五月又往一乘城六月義景以其子大不果

舉兵故義昭欲移美濃賴織田信長朝倉召上野清信

曰余將卜之可乎清信曰可也迺命卜者大華占之遇

臨之節大華曰大君之宜吉君修德臣任職則不勞而

天下治其占如此君復京師不可疑若夫反之則必有

悔義昭意決遣細川藤孝上野清信于美濃說信長信

長迺應命遣不破河內報之信長七月義昭發越前義

景使族景恒前波景定送出境北郡淺井長政清管內

道迎之余語莊途至美濃藤川驛辭去信長遣不破河

內等迎之朝倉館立政寺信長來見義昭使細川藤孝

上野清信謂信長曰三好松永行弒逆足利氏殆不血

食我悲之流寓至此依卿力得再興祖業者我願也卿

其努力信長拜謝八月遣使勸那古六角承貞不奉命

信長又遣使說以利害不聽信長起兵南伐承貞逃去

信長使不破河內報之義昭發美濃入近江屯守山信

長來見義昭大賞之信長奉義昭絕湖水入京師三好

長緣等皆去其宅西奔義昭陣于清水寺信長陣于東

福寺既而大舉西下賊皆去城奔阿波信長十月義榮

奔阿波攝津平。義昭陣于小清水城。信長陣芥川城。三好義次松永久秀等來降。分派記。義昭班師屯六條本國寺。信長陣清水寺定法。信長記。義昭為征夷大將軍。任參議兼左近衛中將。叙從四位下。聽禁色昇殿。系圖。官位記。十二年正月。三好長緣等起兵阿波。來圍本國寺營。義昭使細川藤賢三淵藤英守總門。野村高勝率輕兵備四街防之。僧徒說賊曰。公等陷寺。則伽藍為兵燹所燒必矣。故明朝使公方出寺。公等宜置伏待之。賊以為不聽之。則僧兵大起。

便解圍。退陣于七條。以待明。已而三好義次率河內兵趨援。池田勝政伊丹親興等率攝津兵繼至。和田惟政單騎馳入城中。賊見之分兵。長緣政康攻城。康長左通擊援軍。義次等戰不利。退嵯峨。伊丹親興獨進。追長緣等後。細川藤賢三淵藤英等開門突出。前後夾擊。大破之。長緣等西走。野村高勝等追擊。又大破之。斬獲八百餘級。初告急岐阜。信長乃西上。兵纔十一騎。至京師。衆已五萬。乃入見賀。戰勝。諸將獻馘。於是論功行賞。二月。信長城二條。義昭移居之。信長記。八月。信長擊伊勢平之。

元龜元年四月擊越前取手筒金崎二城北郡淺井長政反通謀越前夾擊信長信長班師京師六月信長及淺井長政戰姉川大破之八月三好長緣等又入攝津義昭信長帥師擊之淺井長政朝倉義景入坂本義昭信長班師義昭陣三井寺信長陣宇佐山及淺井朝倉相持十二月長政義景解兵歸國義昭信長班師信長記義昭與廢記二川三年十二月甲斐守護武田信玄侵遠江數信長罪訴之信長亦訴信玄罪義昭和解之信長不奉命作書諫義昭義昭怒謀黜信長信長家譜義昭與廢記天

正元年二月義昭起兵擊信長信長遣僧日乘等謝之義昭不聽信長率兵入京師我兵敗走義昭乞和信長解兵七月義昭又城真水島舉兵使伊勢貞孝等守二條城信長率兵入京師陷二條城長驅向真水島義昭走普賢寺乞和信長聽之使佐久間信盛木下秀吉送之入若江城攝津鎮將和田秀盛戰死信長記義昭與廢記永錄年代代記十一月信長陷若江城三好義次戰死永錄年代記三好系圖義昭奔紀伊居良由寺永錄年代記二年六月至堺浦屬居顯本寺永錄年代記十年六月織田信長為其下惟任

竹前正統

定利將軍傳

卷

光秀所殺。筑前守羽柴秀吉起兵擊光秀誅之。十二年秀吉霸于天下。秀吉請襲義昭職。為征夷大將軍。義昭以其門地賤陋不聽。秀吉怒而踈之。義昭益窮。十五年賴法眼紹巴謝秀吉。秀吉曰。我雖憐之。慮其起亂。不意至于此。召毛利輝元託義昭。輝元居諸其管内備後之深津。善遇之。秀吉家議義昭與廢記十六年正月。削髮號昌山。准三宮。足利官位記慶長二年八月薨。年六十二。號靈陽院。系圖子義在稱永山右近大夫。居薩摩之山川。有子孫。次子義尋為僧。義昭興廢記

贊曰。夫保社稷而和民人者。諸侯之孝也。從父之令。豈唯謂之孝乎。足利義榮欲成父之志則似。雖然根本已倒。則枝葉隨枯也。可知也。義昭去朝倉義景。任織田信長。可謂得人也。信長以命世之雄才。唱義起兵。取京師如拾芥。夫任之而不疑。則平天下不難。然為武田信玄所間。不量其力。而欲滅信長。不復謀乎。信長之於義昭。有功無罪。義昭於信長。有德無怨。然畔之何夫。少恩耶。以義昭一朝之過。滅室町二百四十餘年之基。落魄幽辱。寄身牧伯。悲哉。

